

莆誌外紀

方輝
純輯

莆志外記

楊漢臣

楊何字漢臣莆田人也登進士第為南陽士掾狂率喜功劉汲作帥就辟幕府金人破鄧全家皆死於兵始為鄉校以薄德取怨於衆人嘲之曰牝馬生驃子道士師姑養秀才蓋謂父本黃冠母嘗為尼也

宋莊季裕編卷上

紹興三年大水

自中原遭難以來民人死於兵革水火疾饑墜壓寒暑力役者蓋已不可勝計七夕日

按係紹興三年

興化軍忽大水城內七尺連及泉州界漂千餘家今上

通應子魚

興化軍莆田縣去城六十里有通應侯廟江水在其下亦曰

通應地名迎仙水極深緩海潮之來至省所故其江水鹹淡得
中子魚出其間者味最珍美上下十數里魚味即異頗難多得故
通應子魚名傳天下而四方不知乃謂子魚可大容印者為佳
山谷之博聞猶以通印子魚為披縣黃雀之對也至云黃魚背上
通三印則傳者益誤正可與一麾為比矣以子名者取子多為貴
也今上

按莆陽比事卷二迎先通應子魚荆公通坡山谷詩屢稱之

冬閑覽云莆陽通應子魚名著天下蓋其地有通應廟前有港
港中魚最佳今人必求其大可容印者謂之通應子魚故荆公詩
云長魚俎上通三印此傳聞之訛也魚通印之語本出於王荆公
送張兵部知福州詩長魚俎上通三印之句蓋以福州瀕海多魚
其大如此初不指言為子魚也東坡將以通應子魚對披縣黃雀

乃借子字與黃字為假對耳山谷所云子魚通印蟪破山蓋承而
用之陳正敏遜參閒覽云其地有通應廟在廟前港中子魚最佳王
初寮詩通應子魚鹽透白正采其說郡人黃慶權云興化魚去城
五十里地名迎仙者為上所產之處土名謂之子魚潭而已初無
通應港之名有大神祠賜額曰顯應乃遜參所指之廟者亦非通
應也潭旁大廟小祠一間卑陋之甚農家以事田神好事者欲寔
遜參之說遂粉刷一扁妄標曰通應廟側題五小字曰元祐某年
立此尤可笑且用神廟封額以名土地偶他處未嘗有也

宋洪邁
客齋詩

話
卷
四

戚公盛德

倭奴之據興化也至興居人相貿易郭郭間亦皆為之耳目戚
少保兵至興化尚去城數里即命下營前鋒請進兵士期戚云尚

須請命撫按及本省援兵何言易也倭奴偵知稍不為備昏時
享士初更傳命啣枚進兵半夜入城矣戚繼定東南每破賊所得
婦女多貴家閨箔皆置之公所使能書壯人問其家闕住處悉從
昏夜肩輿送至其門人無知之者此蓋德事也

明姚叔祥見三編卷上

洪仲韋言

莆田洪仲韋言有西僧至株陵問其厓道里云經二十四國土始
至大明東問各國風氣視中國何如答云荒遠那得如大明但諸
國不如大明會說荒耳此言自唐虞耒便覺多愧不獨幻偽如今
也今上

林少參錄建文死事之臣

正德丁丑浙藩林少參莆田人錄革除間死事之臣刻之十
得五大寧波郡守王公璉山東日照人聞變造戰艦將完文廟已

入寧波衛官械公至南京上問造艦何為答曰由海道趨瓜州以截來路上義而釋之卒于林下先大夫常言之惜少參不復聞也

明皇甫錄
皇明紀畧

倭寇入莆事

二十年武洪夏四月戊子命江夏侯周德興往福建福興泉漳四郡視要塞集海止十大城籍民為兵以防倭寇增置巡檢司四十有五分隸諸衛下略

四十二年冬十月倭至者日眾招犯邵武殺指揮齊天祥轉掠羅源連江殺遊擊倪祿遂攻元鐘所城及寧德縣入之乘勝直抵興化府城不克乃合兵薄城下圍之且匝月巡撫游震得以此聞請調義烏兵以繼光統之起丁憂參將譚綸與都督劉綎兵俞大猷協力共濟上從之十一月劉顯率兵援興化顯大兵由江西勦

廣寇所提入閩卒不及七百人且疲屢戰倭新至氣甚銳顯知不敵乃去府城三十里隔一江按兵不至欲掩逗留之罪遣五卒齎文詣府約款率兵赴城拒敵賊獲五卒殺之用其職銜偽為显文克期入城約城中勿舉火作聲恐賊警覺詎以五人為劉卒齎入至期賊陽稱劉兵入城人莫之疑賊既大入猝起格殺城中警亂參政翁時器參將畢高倉皇縋城入走同知吳時亮被殺賊遂據城中三閱月殺掠無遺顯率乘亂攬之參政王夙妻竟為顯掠去賊既飽欲指如平海衛欲掠舟泛海去十二月倭結黨崎頭城與指揮歐陽深相拒久之不出深望見兵少輕之直前挑戰仗發深與其下數百人皆死戰賊勝陷平海衛事聞罷巡撫游得震逮參政翁時器參將畢高劉顯坐觀望不救立功自贖倭引兵出海把總許潮先以輕舟挾之賊遂屯平海衛副總兵戚繼光督浙兵

至福建與劉昱俞大猷合擊倭于平海衛大破殲之斬首二千二
級有墜崖溺死者無算福州以南諸寇悉平按莆志云四十一
一月二十九日四更城

四十二年春二月舊倭萬餘攻仙遊圍之三月戚繼光引兵
馳赴之大戰城下賊敗趨同安繼光麾兵追至王倉坪斬首數百
餘眾奔漳浦繼光各哨兵入賊巢殄斬略盡閩寇悉平清谷應泰明倭
寇殆末

石敢當

慶厯中張緯掌莆田再新縣治得一石銘其文曰石敢當鎮百
鬼壓災殃官吏福百姓康風教盛礼樂張唐大厯五年縣令鄭柳
字記宋王象之勝莆陽比事張緯慶厯甲申以秘書丞掌莆田再新
縣治中堂得石銘曰一同紀勝唐大厯五年四月十日縣令鄭

押得銘之日乃皇宋慶歷五年四月十日也自唐距今幾三百年物之显伏固有時至于年號月日脗合符契異哉清葉奕苞金石錄補卷十五錄碑文按語云今人家用石刻此石敢當三字鎮于門首不謂當時已有之已信乎物必有所自也然此在南方方為多

處士劉閔

莆田處士劉閔治中林見素後言其恭慎純粹學行高古日無二粥身無完衣而處之裕如徐貫劉大厦每拜其門知府王弼參所必近致曰對劉君鄙吝自去詞藻蚤不逮其為人而德宇道風人自難及乞仍布衣入侍東宮有奏未上

明節曉節端簡公今言類編卷六

林見素劾繼曉事

林見素後劾繼曉妖僧下詔獄茂陵憲宗怒甚事且不測司礼

太監懷恩叩首諍不可曰殺後將失百官心將失天下心奴不敢奉詔上大怒曰汝與後合謀誅我不然宮中事安如舉視擲恩恩以首承硯不中又怒扑其恩脫帽解帶伏地號泣曰奴不能復事今矣此恩出至東華門使人謂典詔獄者曰若等諂梁方合謀致後死若等不得獨生乃徑歸卧稱中風起上怒解命医治疾屢使勞問後得不死今上卷三

妖僧繼曉有寵於憲廟為之建永昌寺於西華門西太監梁方主其事規制甚備先是建三宮戾費用鉅萬刑部主事莆田林俊恐復重費草疎極言寺觀之建於國無益繼曉妖妄不可親近今西北大歉民力不堪不可重費以益民困言甚切至疎成鎖吏閣中使書每遇繼曉及築方名空之書成使填吏大駭叩頭泣曰此疎果入彼此均死公激於義死或所甘何吏累也後曰死罪吾承

不尔相及吏泣不已妻覺之後御家極嚴不敢諫令其僕告於後
所厚侍御吳希賢力諫止之後曰吾志已決不可回也但事之後
煩君為傳耳因貨少所乘馬區區家事費赴通政司投之語通政
使張某曰請屏人視張閱之竟嘆曰君能言人所不能言吾輩愧
之然雷霆之下恐未易處尚再思之後曰吾思已三矣云再也張
度其不可回令其同年參政張某諫之後不應置疎于案而去疏
入詔下錦衣衛獄獄臣杖之後曰後備員部屬見事有害于國不
得不言觸犯忌諱罪誠當死死即死奚事杖也獄臣壯其言具上
批謫桃州判官後軍都督府經歷張黻爭之亦坐謫師宗州知州
南京兵部尚書王恕極言二人之謫非罪有詔召還復職改調南
京後出見者莫不為之吐舌而後慨然無所顧慮然蚤謫而繼曉
亦坐是尋竄寺不成建則後之志亦已伸矣明許浩復修日記

陳嶠

陳嶠字延封莆田人父齊生九子嶠其長也弱冠能文與高陽許
龜益江夏黃彥修居莆田北岩精舍未幾復居北平山讀書光啟
三年登進士第釋褐攝京兆府參軍審知兄弟入閩辟為大從事
遷大理評事兼監察御史已又奏授大理司直兼殿中侍御史光
化三年十一月卒年六十五所著表記奏牘凡三百篇嶠為人謹信
家居純孝事繼母盡禮父死廬墓三年鄉人稱之清陳卷六十五續唐書
莆陽比事卷一云元年有陳嶠注云蒲志云光啓四年蓋是年改
元文德

黃滔

黃滔字文江泉州莆田人乾寧二年崔凝知貢舉得及第進士張
貽憲等二十五人昭宗覆試於武德殿黜落者甚眾而滔被留光

光化中除四門博士天復元年受審知辟以監察御史裏行充威武軍節度推官旋使錢唐與羅隱相得其歡當時強藩多僭位稱帝審知据有全閩而終其身為節將者涵規正有力焉中州名士避地來閩若韓偓李洵數十輩悉主於涵涵文贍蔚典則詩清淳丰潤有貞元長慶風所護集十五卷泉山秀句集三十卷時金石誌銘及國中大著作多為涵屬草陳鱣續唐書

徐夔

徐夔字昭夢莆田人乾寧中進士策試止戈為武賦一燭已就有破山加點擬戍無人之句礼部侍郎李擇覽而奇之釋褐授秘書省正字嘗游大梁以賦謁朱全忠誤触其諱全忠变色夔狼狽出欲遁去恐不得脱乃作過大梁賦以獻略曰千金漢將感精魄以神交一眼僉夫

比事作吳兒

望英風而胆落全忠得賦大喜遺繚五

百匹蓋全忠曾夢淮陰侯指授兵法而武皇則眇一目者

按東坡志林及

張齊賢志所記畧同李調光賦話卷九所已而走歸家裡審知辟

記畧同下並系斬蛇劍賦為掌書記莊宗滅梁閔使賀登極莊宗遽問曰使徐寅無恙乎歸

語尔主父母之仇不共戴天寅指斥先帝尔國何以容之使歸具

以告審知曰如此則上直欲殺徐寅尔今但不用可矣即日戒閤

不得引孫寅拂衣去曰丈人之水前坡後堰安能容萬斛之舟乎

尋舊阮鈞殘處慨然長往竟卒於長壽別墅有探奩集五卷鈞殘

集八卷又賦五卷寅賦膾炙人口渤海高光固來言本國得其賦

比事云得漸蛇賦家家以金書屏其重如此今上蒲陽比事卷一

人生茂何賦云徐寅字昭夢登唐乾寧策梁祖受禪再試進士第一梁祖曰是

賦人生幾何者耶三皇五帝不死何歸此為何語蓋改之寅曰臣

寧無官不可改賦遂拂衣歸闕

劉後村書所見

後村劉見莊絕句云新刺閣黎頂尚青滿村聽講法華經那知
世有彌天釋萬袖如雲座下聽謂小通易感眾而不知有大通也
又云剝膜良方直萬金國匠曾費一生心誰知整髻携籃者也有
盲人問点金謂精藝難成而小藝亦可售也又云黃童白叟往來
忙負鼓盲翁正作場死後是非誰管得滿村聽說蔡中郎亦可感
嘆云明興祐歸田詩讀卷中按後一詩亦見陸放翁集中

劉克莊詞品

劉克莊字潛夫號後村有後村別調一卷大抵直致近俗效稼
軒而不及也夢方孚若沁園春云何處相逢登寶釵樓訪銅雀台
喚廚人斫就東溟鯨鱠園人呈罷西極套婢天下英雄使君吳操
餘子誰堪共酒杯車千乘載燕南代北按後村大全集作車千兩載燕南趙北

劍客奇才飯酣盡鼓如雷誰信被晨雞催輕令集作喚回嘆年光過

盡功名未立書生老去機會方未使李將軍過高皇帝萬戶侯何

足道哉推作集衣起但淒涼感舊慷慨生哀華一以例他詩類是

明楊慎詞品卷五

二十四史甫人名錄

甫人北見於二十四史者

新唐書卷一九五 林攢

卷二〇〇 林蘊 林披

卷二〇三 歐陽詹

宋史卷二九三 潘慎修

卷三二〇 蔡襄

卷三二九 徐鐸

卷三八三

陳俊卿

卷三八五

龔茂良

卷三九五

方信孺

卷四〇六

陳居仁

陳卓

卷四三三

林光朝

卷四二六

陳靖

卷四三六

鄭樵

卷四四八

鄭棗

卷四四九

林冲之

卷四五二

陳文龍

陳瓚

卷四五二

阮駿

卷四五三

宋旅